



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De puella in Linze baptizata, cap. 27

**urn:nbn:de:hbz:466:1-13177**

## 50 DE CONTRITIONE

adhuc conuentum vexare propter puellam attētare; eisdem litteris defenderet. APOLLONIUS: Sicut paulo antè in Episcopi Angliæ ædificatus sum misericordia, ita in huius Episcopi scandalizatus sum avaritia. CAESARIUS: Defensores eius dicunt, eum non esse pertinacem in hoc negotio amore pecuniæ, sed zelo iustitiae; quibus minimè creditur, quia si agitaretur stimulis iustitiae, nequaquam cogeret puellam baptizatam, virginem Christo consignatam, & religione Christiana, etiam supra ætatem, feruentem, ad Iudaicam redire perfidiam. APOLLONIUS: Hoc & mihi videtur. CAESARIUS: Occurrrit mihi huic exéplo aliud ex parte simile, de quodam milite seculari, ita ut ipso suo facto sæpedicto pontifici exprobrate videatur sententia illa prophetica: Erubetce Sidon, ait mare.

## CAPUT XXVII.

**I**N villa nobis vicina, quę Linze dicitur, infra hoc triennium, quædam puella Iudæi cuiusdam filia, baptismi desiderio diuinitus accensa, ad quādam feminam eiusdem villę venit, & quia baptizari vellet, satis simpliciter intimauit: cui suasum est à muliere, vt Contradum militem adiret, voluntatemq; suam exponeret: quod cùm fecisset, ille gauisus valde, pollicitus est, quia ei consilio, auxilio, vel temporali subūsidio nullatenus deesset. Die quando baptizanda erat, dixit ad militem: Domine, procurete ne videat me pater meus infra hoc triduum; quia si ab eo visa fuero, tata scit q; iterum oportebit me redire ad Iudaismum. Positi sunt, milite procurante, circa cœmteriū homines armati, qui Iudæum vetarent intrare, ut puella securè posset introire sive exire, sine illius contemplatione. Procurante Deo, baptizata est virgo, & vocata Elizabeth. Paucis diebus elapsis post baptismū occurrit ei mater infidelis, & ait: Bona filia, reuertere ad Iudaismū; Respondit illa: Non possum, quia Christiana sum effecta. Tunc mater: Ego bene tibi auferam baptisimū. Volens puella probare quid mater dicere vellet, respondit: Quomodo hoc faceres? Ego, inquit Iudæa, tribus vicibus te sursū trahā per fōramē latrinæ, sicq; remane-

## LIBER SECUNDVS.

91

**P**ermanebit ibi virtus baptismi tui. Quod verbū puella audiens, & execrans, contra matrem spuit, fugiens ab illa: Prædictus miles, cùm sit ètate iuuenis, nec tamen multum diues, virginem loco filiæ nutrit, volēs illam tradere viro, vel in aliquo locare monasterio. APOLLONIVS: Quid dicturus est Episcopus Leodiensis in die iudicij, cùm viderit hunc militem de virginis huīus cōuersione gloriari? CÆSARIUS: Non est nostrum Episcopos iudicare, cùm sēpe à multis multum, sine causa etiam quandoque iudicentur.

## CAPVT XXVIII.

**C**LERICVS quidam Parisijs ante paucos annos Episcopo verbum terribile contra Episcopos locutus est, rumonus dicens: Omnia credere possum, sed vix credere & peri- possum, quòd vñquam aliquis Episcopus Alemaniæ culum possit saluari. APOLLONIVS: Quarē magis iudicauit Episcopos Alemaniæ, quā Episcopos Galliæ, Angliæ, Lögobardiæ, vel Tuscianæ? CÆSARIUS: Quia penè omnes Episcopi Alemaniæ virumque habent gladium, spiritualem videlicet & materialem; & quia de sanguine iudicant, & bella exercent, magis eos sollicitos esse oportet de stipedijs militum, quam de salute animalium sibi commissarum. Inuenimus tamen ex ijs Episcopis Coloniensibus, qui pontifices simul fuerūt & duces, aliquos fuisse sanctos, beatum videlicet Brunonem, sanctum Heribertum, & sanctum Annonem. Occasione verbi iam dicti clericu, recordor & alterius cuiusdam verbi, adhuc terribilius, à quodam defuncto, contra Episcopos prolati.

## CAPVT XXIX.

**I**N Claraualle nostris temporibus monachus quidam in Episcopum electus est, quem cùm electores requirerent, & ille onus suscipere renueret, imperium Abbatis eius vel Episcopi accessit, sed impe- riantibus non acquieuit: & cessatum est ab eo, atque non multo post defunctus; qui cuidam sibi familiari manifestè apparet post mortem, requisitus de statu suo, & si aliquid timeret de illa inobedientia, respōdit: Nō, & adiecit: Si obediens fuissē, & Episcopatum illum susce-